



« 6 » май 2019 у.

№ 379

Toshkent sh.

Ички ишлар органлари тизимида овқатланишни ташкил этиш тартибини янада такомиллаштириш чора-тадбирлари тўғрисида

Ички ишлар органлари тизимида овқатланишни ташкил этиш тартибини янада такомиллаштириш мақсадида Вазирлар Махкамаси қарор қиласди:

1. Ўзбекистон Республикаси Ички ишлар вазирлигининг:

ошхоналар ходимлари сонини, озиқ-овқат маҳсулотларини ташиб ва етказиб бериш харажатларини мақбуллаштириш, табиий камайиш нормалари доирасида нобудгарчиликларни энг кам даражага келтириш, таомлар турларини хилма-хиллаштириш ва овқат тайёрлаш сифатини яхшилаш ҳамда бўлинмалар фаолиятининг самарадорлигини ошириш имконини берадиган аутсорсинг шартларида Ўзбекистон Республикаси ички ишлар органлари ходимлари ва ҳарбий хизматчилари, шунингдек, Ички ишлар вазирлиги таълим муассасалари курсант ва тингловчиларининг овқатланишини ташкил этиш соҳасида давлат-хусусий шериклик механизмларини босқичма-босқич жорий этиш;

овқатланишни аутсорсинг шартларида ташкил этиш тартибини, биринчи навбатда, Ўзбекистон Республикаси Ички ишлар вазирлигининг ҳарбий қисмлари, таълим муассасалари, вактинча саклаш ҳибхоналари ва даволаш муассасаларида жорий этиш тўғрисидаги таклифларига розилик берилсин.

2. Белгилаб қўйилсинки:

аутсорсинг бўйича умумий овқатланиш корхоналари (кейинги ўринларда аутсорсер деб аталади) хизматларига ҳақ тўлаш микдорлари аутсорсернинг барча харажатларини (солиқлар, ходимларнинг иш ҳаки, транспорт хизматлари ҳамда асбоб-ускуналарни таъмирлаш ва улардан фойдаланиш ва бошқалар) ўз ичига оладиган 20 фоизгача устама ҳақ ҳисобга олинган ҳолда, шартнома тузилиши санасида озиқ-овқат маҳсулотларининг амалдаги ўртача бозор нархлари бўйича бир овқатланувчига тегишли контингент учун овқатланишнинг тасдиқланган нормасидан келиб чиқкан ҳолда Ўзбекистон Республикаси Ички ишлар вазирлиги томонидан белгиланади;

аутсорсерга шахсий таркибнинг овқатланишини ташкил этиш учун ижара шартномаси доирасида вактинча фойдаланишга бериладиган ошхоналарнинг ишлаб чиқариш хоналари, асбоб-ускуналари, идиш-товорклари ва мебелидан фойдаланганлик учун ижара тўлови нол ставка бўйича белгиланади;

аутсорсер шахсий таркибга овқат тайёрлаш учун фойдаланадиган коммунал хизматлар қиймати ажратилган бюджет маблаглари доирасида Ўзбекистон Республикаси Ички ишлар вазирлиги томонидан қопланади;

аутсорсингнинг шартномалар бўйича кўрсатилган хизматлари учун нархлар қоидага кўра, кўпи билан бир ойда бир мартда кайта кўриб чиқилиши керак;

аутсорсинг бўйича шартномалар умумий овқатланиш соҳасида катта иш тажрибасига, тегишли молиявий ва логистика базасига эга бўлган талабгорларга устунлик берилган ҳолда, энг яхши таклифларни танлаб олиш йўли билан тузилади;

санитария қоидалари, нормалари ва гигиена нормативларига, шунингдек, техник тартибга солиш соҳасидаги бошқа норматив хужжатлар талабларига тўлиқ мувофиқ бўлиши керак бўлган овқат тайёрлаш ва маҳсулотлар сифати зарурат бўлганда, бошқа вазирлик ва идораларнинг мутахассислари жалб этилган ҳолда Ўзбекистон Республикаси Ички ишлар вазирлигининг тегишли бўлинмалари томонидан назорат қилинади.

3. Ўзбекистон Республикаси Ички ишлар вазирлиги:

аутсорсинг тизимига ўтиш муносабати билан тежалган пул маблағларини, биринчи навбатда, ички ишлар органларининг ходимлари ва ҳарбий хизматчилари, таълим муассасалари курсант ва тингловчилари, шунингдек, вақтинча сақлаш ҳибсхоналарида сакланаётган шахсларнинг овқатланиш шароитларини яхшилашга йўналтирасин;

Ўзбекистон Республикаси Ички ишлар вазирлигининг тегишли бўлинмаларида шахсий таркибнинг овқатланишини ташкил этиш бўйича аутсорсинг хизматларини кўрсатиш тартиби тўғрисидаги низомни Вазирлар Маҳкамасига тасдиқлаш учун икки ой муддатда белгиланган тартибда киритсан;

нархларнинг асоссиз ўсиб кетишига ва овқат сифатининг ёмонлашишига йўл қўймаслик бўйича қатъий назоратни таъминласин.

4. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари:

Ўзбекистон Республикаси Ички ишлар вазирлиги бўлинмаларининг сўрови бўйича озик-овқатларга амалдаги ўртacha бозор нархлари тўғрисидаги маълумотлар мунтазам тақдим этилишини;

аутсорсерларга озик-овқат маҳсулотларини тўғридан-тўғри шартномалар бўйича бевосита фермер хўжаликларидан, улгуржи савдо ташкилотлари ва уларнинг вакилларидан сотиб олишда ҳар томонлама ёрдам берилишини таъминласин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – молия вазири Ж.А. Қўчкоров ва Ўзбекистон Республикаси ички ишлар вазири П.Р. Бобожонов зиммасига юклансин.

Ўзбекистон Республикасининг
Бош вазири



А. Арипов